

3

DISSE^TERTATIO INAUGURALIS JURIDICA DE MATRIMONIO PUTATIVO ET ILLIUS ACCUSATIONE.

QUAM
IN ALMA ET PERANTIQUA UNIVERSITATE
COLONIENSI

SOLENNI SUB PRÆSIDIO

*Prænobilium, Clarissimorum, Consultissimorumque
Virorum & Dominorum*

D. FRANC. GABRIELIS HAMM
J. U. D. Professoris Ordinarii & Publici

ET
Venerandæ Facultatis Juridicæ Dictatoris
NEC NON

D. JOANNIS PETRI WIRTZ,
J. U. D. Professoris Ordinarii ac Publici
eiusdémque Facultatis Fisci.

Pro Summis in utroque Jure Honoribus ac Doctoralibus Privilegiis
more majorum obtainendis.

Publicæ Eruditorum Disquisitioni submitit

JOANNES ADOLPHUS REUSCH Montensis ex Glad-
bach, Presbyter, Professor Montanus.


Anno MDCCCLXXI. Die 23 Maii horis & loco consuetis.

COLONIÆ EX TYPGRAPHIA UNIVERSITATIS.



Wyon sc. Col.

* * (†) *



**REVERENDISSIMO PERILLUSTRI AMPLISSIMO
DOMINO, DOMINO**

**JACOBO ANTONIO JOSEPHO
BEHREN,**

Per insignis Collegiatæ ad S. ANDREAM Canonico Capitulari, Antiquissimæ apud Ubios Gymnadiæ Montanæ Regenti Vigilantissimo, Almæ hujus Universitatis ac Generalis Studii Colonienlis Rectori per quam Magnifico, Fautori ac Patrono jugi observantia Colendo.

Vir Amplissime, Rector per quam Magnifice!



Cum primi conatus mei juridici, quos edere debo pro obtinendâ in utroque jure licentia, incident in auspicatissimum tempus, quo Amplissimæ Magnificentiae Tuæ concreti sunt fasces Universitatis Ubicæ ac Studii generalis, tempus & conditionis meæ ratio exigunt, ut in principio conatus mei à te principium faciam, id quod faciam, si concedat Magnificentia Tua, ut tenuissimam hanc paginam Tibi dedicem, uti-


utinam verò talis esset momenti, ut per hanc aliquid Tibi oblatum dici
mereretur, ast non etiam hoc facio, quòd ego aliquis aut exile hoc opus-
culum ponderis cuiusdam videri velim, sed ut aliquod gratae reverentiae
specimen, quam in conjunctam Tuam cum Amplitudine Magnificen-
tiam debitam foveo, proferam, & quomodo non proferre auderem? Te
enim Præsidem Vigilantissimum veneratur Antiquissima Gymnas nostra,
cujus filius sum, Te colit dignissimum Caput suum collegium nostrum
professorale, cuius pars minima sum, Te demum Rectorem Suum Mag-
nificum profundè suspicit tota Universitas, cuius ultima inter membra
repator, præterea studia Tua in me collata & multa & magna (quæ
venerabundo silentio involvere liceat) inculcant mihi obligationem, ut
indignum hoc solium Tibi dicatum habeam, quo faustum initium, cele-
rem progressum, fortunatum exitum labores mei sortientur, modò con-
suetis favoribus, quels Tuos ornare annas, fovere eos digneris; fove igi-
tur & fave. Sine conatus meos de Tuo gaudere patrocinio, quo con-
fisus subiecto Votum ex reverentia & affectu natum, ut Tuā sub vigi-
lantiā, quam probat Montis nostri decor & vigor paternā Sollicitudine
Tuā quantum auctus, diū florent studia nostra, Tuāque sub pruden-
tiā & curā in pace, in tranquillitate, in incremento tota vigeat Uni-
versitas, Paucis: regimen Tuum, faxint Superi! sit undique beatum

Ita votet

Uerbum Tuorum

Infirmus

REUSCH.



DE MATRIMONIO PUTATIVO.

§. I.

Præter communem matrimonii definitionem : quod sit conjunctio maris & fœminæ ad individuam vitæ Societatem ex §. I. *Justit. de patr. potest. putativum describi potest matrimonium inter conjuges, qui legitimè conjungi non possunt ob impedimentum dirimens inter eos latens bona fide, publicè, seu in facie Ecclesiæ, & absque contradictione initum ; quod proinde matrimonium putatur esse, revera tamen nullum est. Cap. 2. qui filii sint legit. differt putativum à vero, quod hoc adhibitis suis requisitis validum subsistat, illud tanquam sub debitis Solennitatibus contractum validum credatur, & non sit, quoad effectum autem verum æmulatur. Quem non à valore intrinseco, sed à bonâ fide contrahentium potissimum habet. Differt putativum à præsumto, sicut verum, quod præsumtum subsistebat solâ præsumtione juris, Sponsis fortè de matrimonio non cogitantibus. Exemplum est in Sponsis, qui contraetsi Sponsalibus de futuro concunibunt, quos jura actuale potius matrimonium contrahendi gratiâ, quam animo fornicario ad se invicem accessisse præsumunt, nè peccatum præsumerent, ad quod evitandum Sponsi censebantur ante rem habitam pure contraxisse ; quod procedebat ante Concil. Trid., aut etiam ibi, ubi de facto receptum non est ; putativum verò supponit consensum non præsumtum, sed explicitè & revera præmissis præmittendis editum.*

A 3

§. II.

§. II.

Requiritur autem ad *putativum* I. ut personæ actualiter conjunctæ legitime conjungi non possint, quod in gradu prohibito ignorantes matrimonium publicè contraxerunt *Cap. 11. cit. tit.* vel quod maritus vivente adhuc primâ secundam duxit uxorem, hujus rei ignaram, II. *Bona fides* si non utriusque saltem alterutrius contrahentium, quo casu ignorantis impedimentum bona fides potior aestimatur quam scientis malitia, *Cap. pen. cit. tit.* & quousque uterque vel pars ignara in ignorantiâ manet, eo usque effectum putativi retinet hoc matrimonium; quamprimum ignorantia desinit, quod error compertus sit, vel impedimentum probatum, ex hoc tempore cessante bonâ fide effectus matrimonii putativi quiescunt, & nisi discesserint Conjuges, & abstinuerint à matrimonio ob ulteriorem cohabitationem plectendi sunt *L. 4. Cod. de incest. & inut. nupt.* quoad effectum legitimandi problem bona fides aestimatur secundum tempus conceptionis, & licet Justinianus in *L. 11. Cod. de nat. lib.* velit inspici tempus editionis, ubi de statu liberorum queritur, subjungit tamen tempus conceptionis, magis approbari, si ita infantium utilitas expostulet, quod verò in hoc passu utilius sit pro prole tempus conceptionis, quam nativitatis, evidens est, ponamus enim: post contractum bona fide matrimonium uxorem concepisse, & paulò post innotuisse impedimentum, ut tempore partus sciant matrimonii sui nullitatem, si jam tempus partus inspicetur, partus foret illegitimus, & vergeret in detrimentum liberorum, quod eorum utilitati datum est.

§. III.

Bonæ fidei non obstat *error facti*, qualis est, si conjuges nesciant se esse consanguineos, neque *error juris*, nempe si sciant consanguinitatem, non autem prohibitum in hoc gradu matrimonium, quod verum est non solum si sit error juris dubii, obscuri, & controversi, cuius error equiparatur errori facti, & istius ad instar excusat, & Bonam fidem ad ipsam etiam præscriptionem sufficientem producit, *Panormit. in C. de quarta 4. de præscript. n. 12.* sed etiam licet sit error juris

liquidi *Gonzalez* in Cap. 2. n. 4. quia matrimonium hoc à conjugibus in Ecclesiæ facie, bonâque fide initur, cùm præviis denuntiationibus ad detegendum impedimentum publicè propositis & cum ignorantia juris inculpatâ, vel cum peccato non conjunctâ, contrahatur, adeoque effectum matrimonii solemniter, bonâque fide initi operari meritò dicatur; quod confirmatur Apostolicâ authoritate Gregorii XIII, qui consulebatur inter plura alia à Maronitis, an matrimonium quod conjugum unus propter adulterium ab altero commissum, ab adulterante divitens cum alio iniverat, ferret prolem legitimam, & resolvit, esse legitimam ex tali natam, consequenter illud habere effectum putativi, & subintrare constitutionem Cap. 2. § XIV. qui filii sint legit. tametsi initum esset contra clarum textum Apostoli: *Uxorem à viro diventerem; manere innuptam, aut viro suo reconciliari præcipientis.* 1. Corinth. Cap. 7. v. 10. quod memorati Summi Pontificis responsum in dictæ nationis Synodo anno 1579 publicatum refert Pignatelli Tom. 6. Consult. 41. n. 75. § 78. multò minus bonam fidem turbat error, si factum judicis, licet nulliter procedentis, accedat, cuius occasione partes causam nanciscuntur credendi, se justè matrimonium contraxisse, quia id authore judice Ecclesiastico initum est, sicut est in Cap. 8 tit. cit. Ubi maritus per longum tempus aberat, & mulier ad divortium agebat, marito non comparente tandem Episcopus in conspectu Ecclesiæ auditis etiam mulieris rationibus sententiam divortii tulit contra id, quod statuit Pontifex in Cap. XIX. de Sponsal. quantocunque numero annorum ita remaneant viventibus viris suis, non possunt uxores ad consortium aliorum canonice convolare nec auctoritate Ecclesiæ contrahere, donec certum nuntium receperint de morte virorum. Ergo expectandus erat maritus, proinde divortium contra jus fiebat, nihilo minus Pontifex liberos, ex secundo matrimonio nulliter contractos, legitimos dixit in cit. cap. 8. quod mater ad ejus consummationem auctoritate Episcopi processerit, & judicis auctoritas excusat à dolo, ergo injustus error hic non nocet errantibus, minus alteri ab iis, nimirum proli ex his natæ L. 155. de reg. jur. quod verò non procedit, si ageretur contra jus naturale, ut si ex linea ascendentे, & descendente, vel fratres & sorores matrimonialiter jungi vellent, quia jus

jus naturæ unicuique sana explicat ratio, ut frustra hic ignorantia prætendatur. Regulariter ignorantia præsumitur, nisi scientia probetur per reg. 47. de reg. jur. in 6. quæ si non probatur, eo ipso probata censetur ignorantia.

§. I V.

Arguuntur è diametro malæ fidei conjuges, si ignorantiam affectent, affectata enim ignorantia impedimenti scientiæ ejusdem æquiparatur arg. L. 6. ff. de jur. & fact. ignorant. Unde si ante Matrimonium dubitarent, an impedimento sint affecti, ineāntque stante hoc dubio (si dubium sit prudens, & fundatum, secus si foret inanis scrupulus, motivo certo facile elidendum) sinè debitâ inquisitione Matrimonium, male agunt, Sacramentum nullitati temerè exponentes, quòd negligant rem examinare quo facile venirent in notitiam impedimenti, & illo postea detecto, hoc Matrimonium effectus putativi non producit ob defectum bonæ fidei in parentibus, Cap. 2. de temp. ordinat. in 6. Quid si post contractum & consummatum Matrimonium parentes de impedimento dubitarent, an statim abstinendum est ab usu Matrimonii? R. I. ad levem animi anxietatem de consilio Episcopi parochi vel confessarii facile deponendam usus Matrimonii non sit illicitus Cap. 44. de sentent. ex-com. 2. Utrique conjugi scienti, vel probabiliter dubitanti, sit illicitus, Cap. 2. de secund. nupt. 3. Si unus sciat, vel prudenter dubitet, alter ignoret, vel non dubitet, scienti nullatenus, dubitanti tantum licitus est ut parti petenti satisfacere debeat Cap. 13. de restit. Spol. Si accusaretur Matrimonium, an conjuges statim sunt in malâ fide? R. mala fides non sequitur ex accusatione, nam mala fides est scientia impedimenti, quam nemo dicet conjuges habere eo ipso, quo quis matrimonium accusat nullitatis, licet per litis contestationem bonæ fidei Possessor in malâ fide constitui dicatur, etenim hoc est quoad fructus restituendos à tempore, quo res in judicium dedueta fuit per L. 2. Cod. de fruct. & lit. expens. Briünnemann ad L. 22. Cod. de rei Vind. Non verò quoad possessionem rei deoccupandam, aliás quilibet ad solam adversarii petitio nem jus suum indefensum relinquere deberet contra L. 40. ff. de hæredit. petit. Sicut ergo possessor manet in possessione rei, superquâ ipsi lis

lis mota est, donec probata est injusta ipsius possessio, sic conjuges non statim separantur ad prætensam nullitatem matrimonii sui, sed probatam, & relinquuntur in possessione conjugii per Cap. 2. ut lite pendente, nec sanè ecclesia permitteret ipsis possessionem, vel ulum matrimonii, si per litis contestationem fierent malæ fidei possessores, unde sequitur matrimonium putativum manere tale usque ad sententiam definitivam, quia cit. cap. 2. requirit accusationem, seu nullitatem probatam, quæ ante sententiam, aut, si ab eâ appelletur, plenè probata non est, nec facit, quod conjuges mota lite possent suspicari fortè matrimonium suum esse nullum, nam, quia hoc ante judicis decisionem dubium est, justè resolvunt: in dubio melior est conditio possidentis.

§. V.

Requiritur III. ut parentes publicè sine contradictione Ecclesie inter se contraxisse noscantur, Cap. 2. qui filii sint legit. quod duo involvit: imprimis ad matrimonium putativum necesse est, ut sit contractum secundum formam, à Concilio Tridentino Sess. 24. Cap. 1. de reform. matrimon. præscriptam; nempe coram parocho & testibus, (puta ubi Concil. Trident. est receptum; deinde non debet contrahi, nisi præmissis trinis bannis, sive denunciationibus, vi Cap. 3. de clandest. spons. ubi dicitur: si quis verò hujusmodi clandestina matrimonia, vel interdicta, iniire præsumserit in gradu prohibito, etiam ignoranter, soboles de tali coniunctione suscepta prorsus illegitima censeatur, de parentum ignorantia nullum habitura subsidium, nec dici potest, quod concilium Trident. ad matrimonium (ut clandestinum non sit) præscribens novam formam, id est præsentiam parochi & testium, remiserit trinas Denuntiationes abrogando constitutionem Innocentii III. in Cap. cit. ex Concilio Lateranensi IV. 1215 habito, & quidem ex Cap. 15 de promptam, sed istius Concilii vestigiis inhærendo præcipit, ut imposterum, antequam matrimonium contrahatur, ter à proprio contrabentium Parocho tribus continuis diebus festiis in Ecclesia inter Missarum solennia publice denuncietur. Quibus denunciationibus omissis (nisi id justè de causâ, seu authoritate Episcopi factum fuerit) præsumtio est contra contrahentes,

tes, quod non expertes scientiae, vel saltem affectatores ignorantiae habentur, cum callidè omiserint tria banna, quæ ad detegenda impedimenta adhiberi statutum est; ergo non excusantur, quod non sciverint impedimentum suum, quod secundum mentem Ecclesiæ procedentes facile scire potuissent; multò minus juvantur, quod nesciverrint trinas denunciationes esse præmittendas, quia hoc publicum est, cuius ignorantia non excusat, quia in publicè notis scientia præsumitur, & notorium tollit ignorantiae præsumptionem; ad hæc contumax præsumitur, qui clam agit, non qui palam, *L. fin. ff. de rit. nupt.* sive ergo conjuges ignoranties impedimenti contraxerunt in formâ indebitâ, sive ambo impedimentum scientes præter omne interdictum, etiam in conspectu Ecclesiæ, contrahere præsumperunt, cit. cap. 3. de clandest. spons. in utroque casu propriæ defectum bona fidei non est matrimonium putativum.

§. VI.

Si ergo conjuges legitimè impediti cum bonâ fide, & in facie Ecclesiæ matrimonium iniverint, hoc vocatur putativum, ex quo liberi nascuntur legitimi, quibus si quis post decepsum parentum quæstionem statûs moveret, ei non sufficit probare parentes fuisse impeditos, *Cap. 11. qui filii sint legit.* modò publicè contraxerint; sed insuper mala fides est probanda. Quoad successionem nati ex putativo non differunt à natis ex vero, nam parentum facultatibus nutriuntur, succedunt in bona parentum, *Cap. 2. tit. cit.* etiam parentis, qui fortè in malâ fide fuit, *Sanchez de matrim. Lib. 8. disp. 32. n. 46.* tam in allodialibus, quam feudalibus *Müller ad Struv. exercitat. 38.* & si hæredes instituantur ab eo, qui credebat eos natos ex justo matrimonio, institutio non corruit, *Menoch. de præsumpt. L. 4. præsumpt. 24. n. 9.* sic quoque maritus in justo errore constitutus jus maritale in uxorem, vitii haud ignoram rectè exercet, secùs, si maritus esset in dolo, & vitium sciret. *Strick. ad U. M. Jub. tit. de rit. nupt.* vice versa conjux putatius succedit Liberis, quia Successio parentum & Liberorum mutua est. si ex putativo nati sint legitimi, an etiam antea nati per subsequens matrimonium putativum legitimantur? Negativè, vis enim legitimandi attributa

tributa est matrimonio vero, quale non est inter conjuges putatitios, ex quorum peccato liberi maculam ferunt, quæ nonnisi per verum tollitur, licet ex putativo nati sint legitimi, hoc enim non est propter matrimonium, sed ob bonam fidem contrahentium, in qua & in formâ debitâ conjuncti sunt, & omnia fecerunt, quæ facere debebant, ut iis nil possit imputari. Si tamen proles nata esset ex consanguineis, qui nesciebant se tales esse, impetratâ dispensatione illam per sublequens matrimonium legitimari arbitratur *Engel*, eo, quod ex formali incestu nata non sit, & verum superveniat matrimonium. quid si conjuges in errore: se esse consanguineos; cum tales revera non sint, contraherent? Quid de prole ex iis editâ censendum? Tales in bonâ fide non esse contendit *Leuren. Lib. 4. tit. 1. quæst. 90.* cum tamen illegitimitas non à solâ malâ fide parentum dependeat, sed præterea matrimonium debet esse invalidum, quod tamen in nostro casu validum est, talis proles esset legitima. Matrimonium putativum contingit quandoque impugnari, quæ impugnatio vocatur *accusatio*, quod causa matrimonialis ob arduitatem cum criminali comparetur. *Boëhmer in Jur. Ecclesiast. Protestant. ad tit. qui matrim. accus. possunt*, impugnatur ex capite nullitatis, quæ est vel *absoluta*, & facit, ut ob legis prohibitionem nequidem inter conjuges volentes matrimonium subsistere possit, v. g. ex consanguinitate orta nullitas; vel *secundum quid talis* quæ ob privatum interesse matrimonium quidem dirimit, inter volentes tamen permittit, v. g. nullitas ex capite doli, metus &c. orta, sic impedimentum vel est *privati juris*, quod ad arbitrium læsi spectat, ut ei renunciare possit vel tacite, vel *expresse*, *Cap. 4. qui matrim. accus. possunt. vel publici juris*, quod delictum alit, ob quod absolutam operatur nullitatem; si impedimentum sit privati juris, & solorum conjugum putatiorum interficit, hi soli agunt, non tertius, cui opponetur exceptio; *tud non interest*, si quis enim Bertam volens, per errorem Cajam accepit, deterto errore agere potest; si nolit agere, juri suo renunciat, & denuò consentiendo impedimentum tollit, quod facere præsumitur, si cognito errore cognoverit Cajam. *Gonzalez in Cap. fin. b. t. n. 3. Cap. 4. in quo casu non lædens, sed læsus agit.*

§. VII.

Si impedimentum sit publici juris, & tale, in quo de Genealogia agitur, ut in consanguinitate, affinitate, publicâ honestate, in *Can. 1. Caus. 35. q. 6.* Primo ordine veniunt proximiores consanguinei. pater, mater, frater, soror, patruus, avunculus, amita, matertera, & eorum procreatio, ideo enim maximè parentes, & his deficientibus proximiores admittuntur, quoniam unusquisque Genealogiam suam cum testibus & chartis tum ex recitatione majorum scire laborat, *Cap. 3.* qui *matrim. accus. pos.* Si autem tota progenies defecerit ab antiquoribus & veracioribus, quibus ea propinquitas nota est, *Episcopus Canonicè perquirat*, ita cit. *Can. 1.* Si aliud impedimentum subsit v.g. clandestinitas, &c. conjuges, consanguinei, aut extranei accusare possunt, præsertim quorum interest, sic in *Cap. 1. de iis quæ vi metusque causa.* Priorissa cum Monialibus Matrimonium ex capite religiosa professionis ante a Conjuge emissæ impugnavit, & audita est Nullo agente, si fama spargatur conjuges impedimento Canonico laborare, judex de veritate ex officio inquirere debet, *Zoës ad tit. qui matrim. accus. pos. n. 6.* Nè aliqui sub specie matrimonii enormia delicta perpetrent. Ab accusando repelluntur 1. ex odio, & malitia accusantes, cuius presumptionem ferunt minantes accusationem, nisi conjuges tribuant pecuniam, *Cap. 5. b. t.* resistentes tali impugnationi probare debent, quod quæstus gratiâ fiat, quia delicta non presumuntur, *Reiffenstuel ad tit. cit. n. 4. 2.* cum statim, ut denunciationes factæ sunt, quivis graviter tenetur impedimentum, si quod sit, et si id solus sciat, etiam sub secreto naturali, juramento firmato, *Sanchez Lib. 3. disput. 13. n. 21.* absque gravi tamen præjudicio suo revelare, *Covarruy. de spons. p. 2. Cap. 6. §. 10. n. 21.* Inde repellitur, qui post factas denunciationes tacens contractum demum Matrimonium accusat, *Cap. fin. cit. tit.* Nisi ob absentiam, infirmitatem, deficientem aetatem impeditus fuerit, aut juret se jam demum expersum esse impedimentum, nil obstat tamen, quod ipse repulsus alteri revelet impedimentum, ut Matrimonium accuset, revelantem enim repellit taciturnitas, non enim, cui revelatur, cum is inculpabilis est

Cit.

Cit. cap. fin. 3. Repelluntur conjuges quando post cognitam nullitatem in eorum arbitrio positam Matrimonio usi noscuntur, Cap. 4. cit. tit. 4. Qui non personaliter, sed tantum per literas accusant. Cap. 2. h. tit.

§. VIII.

Impugnatur matrimonium putativum tanquam causa matrimonialis (in cuius decisione non legibus, sed canonibus statut, Zypæus in analys. jur. Pontif.) coram judice Ecclesiastico, quem qui recusat, anathemate percutitur à Concil. Trident. Sess 24. Can. 12. involvit enim rationem Sacramenti, super quo sacerdtales non habent, quod judicent, Cap. 2. de judic. ut adeo, si causa principalis coram judice sacerdtale ventilarit, & incidit questio de valore Matrimonii, causa remittenda sit ad judicem Ecclesiasticum, quia, etiam causa connexa, exigente judicis inhabilitate dividenda est, Cap. 3. de ord. cognit. Cap. 5. & 7. qui filii sunt legit. Contra, si in causâ spirituali occurreret questio non spiritualis de dote, alimentis &c. non est, quod remittatur incidens ad judicem sacerdotalem reservatâ spirituali, sed judex Ecclesiasticus, utriusque capax, utramque finiet, Cap. 1. qui filii sunt legit. Cap. 3. de Donat. inter vir, & uxor. Dicta procedunt de questione juris v. g. an Matrimonium, ex quo natus quis est, fuerit legitimus, non de questione facti, an quis natus sit in Matrimonio, quod confirmat Gail. Lib. 1. obs. 112. n. 17. ubi dicit causas Matrimoniales ad Cameram non pertinere, & in causâ quadam appellatum ad cameram, sed appellationem admissam non fuisse.... haec causa autem non cuivis judici Ecclesiastico, inferiori, nec Decano, nec Archidiacono, sed Episcopi tantum examini & jurisdictioni relinquatur, Concil. Trid. sess. 24. Cap. 20. de reform. Matrim. V. ad haec. Consequenter judex est Episcopus, vel ejus Vicarius absque speciali mandato. Cap. fin. de cognat. spirit. Cap. 1. de Frigid. & malefic. Sede vacante est capitulum, in quod transit jurisdictione Episcopi, cuius confirmatione indiget Vicarius, ut agere possit; quibusdam etiam Abbatibus exemptis, qui jurisdictionem quasi Episcopalem in territorio suo exercent, haec potestas compebit, Riccius in Decis. Cur. p. 4. decis. 184. Concilium Trident.

enim excludit inferiores, qui in certis causis Episcopo sunt subjecti; atque cum matrimonialis causæ decisio non ab ordine Episcopali, sed jurisdictione dependet, dubium non est, quin hæc jurisdictione vel concessione vel præscriptione vel consuetudine ad inferiores venire possit, *Fagnanus in Cap. 12. de excess. prælat.* sic de facto Archidiaconus Bonnensis aut ejus Officialis, cum Officiale Colonense in causis matrimonialibus habet jurisdictionem concurrentem, quoisque distritus Archidiaconalis extenditur; item in Ducatibus Jul. & Mont. vi transactio- nis inter Ferdinandum Archi-Episcopum Colonensem & Wolfgangum Wilhelmum Jul. & Mont. Ducem Decani rurales in suis Decana- tibus (excipe pagos Colonientes iis subjectos) causas matrimoniales in primâ instantiâ decidunt.

§. IX.

Impedimentum cùm magni præjudicij sit, luce meridianâ clariùs probandum est, *L. fin. Cod. de probat.* quod verum est, quoties agitur ad matrimonium dissolvendum, si vero ad impedientum agitur, sufficit semiplenè probari per testem, aut famam *Cap. 2. de consanguinit.* & affinit. cum enim per semiplenam probationem res fiat dubia, in dubio tutior via est eligenda & abstinentia à matrimonio, an vero impedimentum latens inter conjuges actu tales plenè probatum sit, arbitrio judicis relinquitur, *L. 3. de test.* §. I. qui contra matrimonium semiplenè probavit, ad juramentum suppletorium non admittitur; si quis vero pro matrimonio semiplenè probasset, & jurare velit, consideratis qualitatibus, circumstantiis, candore personæ, quæ inferiore, vel æqualem in matrimonium petit, hoc permitti posse vult *Panormit. in Cap. 34. de jurejur.* sic juramentum voluntarium contra matrimonium à parte parti delatum non valet, quia non est in potestate partium matrimonium dissolvere, hinc transactio(in aliis cau- sis dubiis suadenda, non valet super matrimonio, *Cap. fin. de Transact.* nec compromissum, *Cap. pen. de restit. in integ.* secùs, si juramentum pro matrimonio parti à parte deferretur in impedimento privati juris, v.g. ero uxor tua, si juraveris me metu coactam non fuisse, quia tunc va- let, quasi de novo contrahatur matrimonium propter consensum con- ditio-

ditionalem, quæ conditio non impedit matrimonium contrahiri, *tot. tit. de condit. appos.* potest probatio fieri per testes duos, omni exceptione maiores, juratos, &c., si à parte iis remissum esset juramentum, in hujus generis causis ex officio judex id à testibus recipere debet. *Gail. Lib. I. obs. 101. felin. in Cap. 6. de probat.* Sic etiam testes publicatis jam depositionibus adhuc recipi possunt. *Cap. 26. de test.* contra regulam testes esse possunt proximi consanguinei, parentis testimonium tamen in suspicionem vocat *Vallenfis ad h. t.* si alter conjugum divitiis, honore, nobilitate & potentia prevaleret, quandoquidem expertum est parentes filiorum incremento studere, testis etiam esse potest, qui denunciavit judici impedimentum. . . . testes autem non jurare debent 1. se nec odio, nec amicitia, nec commodo habito vel habendo induci ad testimoniū, 2. se rem, sicut dicunt, accepisse à majoribus sequere credere ita esse, *Cap. 5. de test.* quid si ipsi conjuges confiteantur impedimentum? Propria confessio optimè probat, nisi suspecta sit, sicuti hic est, nam conjuges se invicem exosi facile possent colludere fingendo nullitatem, ut separentur. *Cap. 5. de eo qui cognovit,* quæ suspicio cessat, si tale dicunt ad dispensationem impetrandam, cum jam in gravamen suum non favorem testes sint. Re post examinationem dubia manente, aut si ius controversum sit, judex potius pro matrimonio pronunciabit arg. *Cap. fin. de Sentent. & re jud.*

§. X.

Ut causa celerius absolvatur, proceditur summariè rejectis inutilibus exceptionibus, seu dilationibus, *Clem. 2. de judic. Clem. 2. de verb. signif.* Et licet modò sententia super impedimentoo, vel nullitate praetensa, lata sit, si tamen novæ probationes emergant, quod subsit, vel non subsit impedimentum, pro re natâ conjuges separabuntur, vel separati rursus conjungentur, sententia enim vel pro Matrimonio vel contra illud lata interim quidem effectum suum habet, quo usque non demonstratur rem aliter esse ac sententiâ definitum est, quia alioquin judicium foret elusorium contra *L. 75. ff. de judic.* Ast sententia hæc in rem judicatam non prolabitur, quia semper admittit probationem contrarii; ad hæc partes non appellantes in sententiam

entiam consentire non præsumuntur, tum, quia nulla sententia potest propter animæ periculum peccatorem in peccato defendere, & perinde oportet matrimonium contra Legem DEI contractum dissolvi, quam legitimum confirmari, tum, quia consensus talem in sententiam est super materiâ, quæ ab arbitrio partium non dependet, scilicet Sacramento. *Cap. 7. & 11. de Sentent.* & re jud. tanti ergo momenti est sententia super valore vel nullitate matrimonii lata, ut eâ tamdiu stetur, donec legitimè probetur contrarium *cit.* *Cap. 11.* Nec facile admittendum à judge eum, qui sententiam in causâ matrimoniali latam vult oppugnare, nisi justa causa judicem moveat, putat. *Gail. Lib. I. Obs. 112. n. 10.* & qui duas conformes in hoc genere causarum impugnat, nonnisi cum exactâ causæ cognitione audiendum esse, notat *Panormit.* in *Cap. 6. de frigid.* & *malefic.* n. 21, à contrario sententia transit in judicatum in casu, quo de partium privato jure agitur, ut consensui eorum quid tribui possit, dein etiam, si non appellatur, illius enim observantia non nutrit peccatum, & per lapsum decendii non appellans videtur denuo consentire in matrimonium *Cap. 15. de Sentent.* & re jud... quando impugnetur putativum, perinde est, nam matrimonium ab initio invalidum non reconvalescit tractu temporis, nec impedimentum tollitur, si quis tamen 20 vel 30 annis post obitum conjugum eorum Matrimonium vellet accusare, videlicet ad excludendum ab hereditate filium, cum jam cesseret peccatum conjugum, juris civilis dispositionem (quo lapsu 30 vel 40 annorum extinguitur actio civilis) intrare posse vult *Engel. n. 12. qui. filii. sint. legit.*

§. XI.

Si demum de nullitate putativi constet, pro diversitate impedimenti Conjuges, si volunt, ab invicem recedere possunt, modò id fiat cum praescitu judicis, hujus enim sine autoritate separati, etiam certi de impedimento, ad rursus cohabitandum compelluntur, per *Cap. 3. & 4. de divort.* Interim tamen continentes sint. Nam quot mala sequerentur, si conjugibus propria autoritate recedere liceret, consideranti patebit. Recedere nolentes cogendi non sunt, si nullitas per dispensationem, aut alio modo sanari possit, quod ex æquitate curare


curare tenetur, qui mala fide foemina decepit. *Engel de divort.*
 §. I. Quo casu Matrimonium revalidatur, atqui si nullum fuerit
 propter defectum consensū, quod unus ex conjugibus fidē con-
 senserit, utriusque consensus renovandus, ex unā parte enim nullus
 erat, ex alterā parte erroneus, pariter si super impedimento dispen-
 satum sit, quod una pars ignoravit, uterque denuō contentire de-
 bet in Matrimonium, ad quem finem pars nullitatis huc usque ig-
 nara de hac cautē certioranda est, ut tamen origo nullitatis reticea-
 tur propter odia &c. quæ sequi possent ex impedimenti revelatio-
 ne E. g. Si esset impedimentum criminis *Reiffenstuel* §. 13. de re-
 validat. *Matrim.* Neque opus est in revalidatione Matrimonii pu-
 tativi renovare præsentiam Parochi & testium, si impedimentum
 tam occultum sit, ut probari non possit, quia constat de Matrimo-
 nio publicè contrafacto, quin constet de impedimento nullitatis, quod
Navarr. probat ex declaratione Pii V. Quæ habet: oportet sublato impe-
 dimento demeo Matrimonium contrahatur, quod fieri potest sine ulla pa-
 rochi & testium præsentia. Si impedimentum probari possit per duos
 testes, & ita evadere publicum, reiterandam esse præsentiam paro-
 chi & testium in eo conveniunt omnes, hoc ipso enim, quod
 palam & in foro externo sciatur prius Matrimonium fuisse nullum,
 de novo publicè contrahi debet, nè dum publicè constat de nullitate
 Matrimonii prioris & non de consensu renovato, tale Matrimonium
 posset accusari. . . . Si autem nullitas sit insanabilis, conjuges sepa-
 rantur, & uxori dos & marito donatio propter nuptias restituenda
 est, *Cap. 1. de Donat. inter Vir. & uxor.* Cum enim veri conjuges
 non fuerint, dos & donatio propter nuptias locum non habet, *L.*
3. ff. de jur. dot. Et utriusque nomine data restituui debent, quia
 datum ob causam, causā non secuta, revocatur *L. 1. condit. caus.*
dat. Modò contraxerint impedimentum ignorantes, aliás dotem cum
 donatione tollit fiscus, *L. 4. Cod. de incest. nupt.* Nisi minor ætas
 excusat. Dos restituenda est integra, estque respectu uxoris putati-
 tiæ privilegiata *L. 22. ff. in fin. soluto Matrim.* Non respectu viri, nam
 Privilegium competentiæ competit tantum Marito vero, non puta-
 tivo, cum concessum sit ob reverentiam maritalem, qualis non de-
 betur

betur marito putativo, *Pichler de Donat. inter vir. & uxor.* Bona ergo in Matrimonium illata utrius manent, & post separationem conjugi, aut si decessit, ejus hæredibus restituuntur; quoad bona stante Matrimonio acquisita, nota, quæ uni conjugi sine respectu alterius obvenerunt, illi soli manent. Quæ utriusque intuitu comparata sunt hæreditate vel donatione, conjuges dividunt, *Cap. 2. de Donat. inter vir & uxor.* Quæ per negotiationem aut emptionem ex pecuniis utriusque conjugis acquisita sunt, iis æqualiter cedunt, *cit. Cap. 2.* Etiam ea, quæ æquali solertiâ, industriâ, parsimoniâ & conjunctis laboribus comparaverunt. *Reiffenstuel ad tit. cit. §. 3.* Quæ solâ viri indu striâ, arte, studio aut officio congesta sunt, ad virum pertinent, præscindendo à Statutis Patriæ vel pactis Conjugum, ipso jure enim bonorum communio inter conjuges non inducitur, *Barbosa & plures in Cap. cit. 2. de donat. inter vir & uxor.* An valet donatio inter conjuges putatios? si uterque ignoraverit impedimentum, non valet, non propter legem prohibentem donationes inter conjuges, sed propter errorem, donans enim conjugi putatatio donat ut conjugi, qualis non est. *Wiestner ad tit. cit.* nec valet, si donatarius sciat conjugii nullitatem, quia iterum errat donans, dum putat se donare conjugi, *Molin. disput. 200. n. 12.* Proinde donatum donanti aut post mortem ejus hæredibus restituendum est. Si donans nullitatis conscientius sit, valet donatio, quia donans verè consentit in donationem, cum sciebat donarium non esse conjugem, adeoque quasi extraneo donavit *Arg. L. 53. ff. de R. jur.* His relictis effectibus Matrimonii putativi instat

F I N I S.

O. A. M. D. G.

CO-



COROLLARIA

Legislator ipse non est subiectum legis ab eo latæ.

1.

Ad essentiam legis nihil confert illam à subditis acceptari.

2.

Legitimatus per subsequens matrimonium frustra prætendit bona primogenituræ obnoxia.

3.

Usufructuarius proprietario salvam substantiam debet restituere.

4.

Jura merè personalia adhærent omnibus eorum, quibus sunt concessa.

5.

Hæres fiduciarius bona fideicommissio obnoxia possidet quæ verus Dominus.

6.

Judex in dando tute rermes jurisdictionis suæ non excedat,

pater

pater in testamento firmiter constituit eum , qui eidem cum eo
judici non est subjectus.

8.

Depositarius in periculo rem suam salvans , Depositam exitio relin-
quens agit contra officium suum.

9.

Qui dolo rem alienavit , illum iura fingunt adhuc possidere & con-
tra eum dant rei vindicatoriam.

10.

Substitutus in Casum , si non possit esse hæres , tametsi velit , cedit
hæredi ab intestato venienti.

11.

Filius familias quoad peculum castrense non subjacet patriæ potestati.


12.

Rationes plures prohibent donationem inter Conjuges.



G

CO



© The Tiffen Company, 2007

TIFFEN® Color Control Patches

